



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Na osnovu člana 10. st. 5. i 6. Zakona o veterinarstvu u Bosni i Hercegovini („Službeni glasnik BiH“, broj 34/02) i priloga I, poglavlja B, tačke 2. Programa mjera zdravstvene zaštite životinja i njihovog provođenja u 2023. godini (broj: 02-4-27-22-184-2/23 od 30.03.2023. godine) i člana 3. stav (3) Odluke o višegodišnjem programu mjera kontrole i iskorjenjivanja bruceloze malih preživara u Bosni i Hercegovini za period 2022 – 2026. godine (broj: 02-2-27-21-457-1/22 od 19.05.2022. godine), Ured za veterinarstvo Bosne i Hercegovine u saradnji sa nadležnim tijelima entiteta i Brčko Distrikta Bosne i Hercegovine, donosi

**UPUTSTVO
O IZMJENI I DOPUNA UPUTSTVA
O ORGANIZOVANJU PROVOĐENJA VAKCINACIJE PROTIV
BRUCELOZE MALIH PREŽIVARA U 2026. GODINI**

Član 1.

Član 4. Uputstva o organizovanju provođenja vakcinacije protiv bruceloze malih preživara u 2026. godini broj: 02-2-27-22-34-3/26 od 18.02.2026. godine, mijenja se i glasi:

- (1) Ured će prema veterinarskim organizacijama vršiti plaćanje faktura za provedenu vakcinaciju u toku 2026. godine u skladu sa Planom iz člana 3. stav (1) ovog Uputstva.
- (2) Svaka faktura dostavljena od strane veterinarske organizacije Uredu, mora biti praćena u potpunosti pravilno popunjenim originalnim primjercima Obrazaca o provedenim mjerama vakcinacije protiv bruceloze ili Potvrdom o provedenim obaveznim mjerama koja je propisana u Prilogu V Programa mjera, a u Republici Srpskoj sve mjere propisane ovim Uputstvom se evidentiraju putem Veterinarskog informacionog sistema Republike Srpske iz koga se generiše dokument potvrde o vakcinaciji koji se dostavlja uz fakturu, uz obavezan potpis vlasnika imanja na svim navedenim dokumentima.
- (3) Veterinarske organizacije su dužne direktno u jedinstvenu bazu podataka o označenim životinjama upisati datum vakcinacije svake životinje.
- (4) Prilikom dostavljanja prve fakture, veterinarska organizacija je dužna dostaviti i potpisan Ugovor iz člana 3. stava (4) ovog Uputstva.
- (5) Plaćanje prema veterinarskim organizacijama neće se vršiti prije usvajanja konačnog plana iz člana 3. stava (1) ovog Uputstva za tekuću godinu i dostavljanja kompletne dokumentacije iz st. (2) i (4) ovog člana.
- (6) Za eventualnu potrebu za dodatnim količinama vakcine i ušnih markica, veterinarske organizacije obraćaju se elektronskim putem nadležnim entitetskim ministarstvima poljoprivrede i odjeljenju za poljoprivredu Brčko Distrikta Bosne i Hercegovine, koji dalje elektronskim putem dostavljaju saglasnost Uredu.

Član 2.

Član 5., mijenja se i glasi:

Troškove provođenja vakcinacije od strane veterinarskih organizacija u iznosu od **3,00 KM po životinji (bez PDV-a)**, odnosno **3,51 KM (sa PDV-om)**, snosi Ured iz sredstava budžeta.

Član 3.

Ovo Uputstvo stupa na snagu danom donošenja.

Broj: 02-2-27-22-34-9/26

Datum: 27.07.2026



DIREKTOR

Saša Bošković, dr vet.med.